

Егемен Қазақстан  
Egemen.kz

## Мәриям мұны



Қостанайдың облыстық газетінде табан аудармай жиырма екі жыл көз майын тауысып, қалам сорып, аңы терге малшынып қызмет еткен жалынды құндерім есіме түссе жүрек тұсым қәдімгідей ып-ыссы боп, сағыныш сезім тұла бойды шарпып кетеді. Бал арасынша ләzzаттана жинаған рухани иғлік, жылдар өте келе көзі бітелудің орнына, тұма бұлақтай асаулана бүлкүніп, көкірек көмбесінен молынан қарпуға ынтықтыра тартады екен...

Іә, сондай қазыналы қамбадан сәті түсіп, ақтарылған мына бір суыртпақ сыр, бәлі, ұзак жылдар тербеліп, иі қанып, күні жеткендей бол, күмбірлей құйылған еді. Әттен, бірақ тұастай құмарлы қызық емес екен, жүректе беріштене түскен қайғы-мұңның қатпарлы қырғышының қылпа жүзіндегі шер-налалы, шерменде запыраны іспетті-ау, сірә!..

...Сонымен, Қостанайдағы шығармашылық құндердің жылыштанып жатқан беймаза шағы – өткен ғасырдың сексенінші жылдарының орта шені болатын.

Ақ дастарқан басында Мәриям Хакімжановамен қатар отырамыз деп кім ойлаған? Сәті солай болыпты. Көрші-дос, белгілі дәрігер Есентемір Әбдікәрімовтің шаңырағындағы уызы меймілдеген осы жүздесу сәті «мен– тарих тегеріші» дегендей, сирт-сырт етіп, байқаусыз сырғып жатыр еді.

Үлкен ақыннан не сұрай қоясыз, жөппелдемеде. Сөзге қосылуға да жүрексініп, тағаланбаған аттай тайғанақтай бересің. Есен-саулықты кірме есіктің жақтауындағы сәкіде шаршаңқы, болдырынқырап отырған Мәриям ападан сұрап біліскеңбіз. Қанша дегенмен, сексен сенгірі селкілдетпей қоймайды екен-ау. Әлде жүрек тұсы, әлде толысқан дененің икемге көнбей, ауыртпалық салуы ма екен, бір шуыл, демікпе алқыныс, жиі керілген кеуде сырылы естіліп қалады. Бақсақ, әлгінде женіл көліктен түскенін ауырлап қалғаны байқалады әзіз жанның. «Өлең шаршатып, салдырағаны ма?» деген күдік серпілді. Сөйтсек, Өлеңді бұл кісі сүйреп журменті, Өлең апамызды жетелеп келе жатқандай екен... Дәтке қуат! Мәриям апа өлеңінің құдіретін білеміз ғой. Оның өлең-моторы әлеуетті күшке ие. «Өзім өлмей отты өлеңім өлмейді», деп шабытымен анттасқан ол өлеңімен өрге өрлеп келеді.

Қадірлі мейманымызды жоғарғы қабатқа бастап көтерілдік. Апай әр баспалдақты қиналып аттайды. Бір, екі, үш... тоқтап, сәл тыныс алады. Ентігін басады. Толық балтырының тамыры білеуленіп, кейбір тұсы шорланып, жарылардай бол көкбұжырланып тырсып тұр. Сыздап, шыдатпайтынданай. «Солқылдатып, әкетіп барадыау!» дейді де ернін қымқыра тістелеп, қайыра аттайды. Бір, екі, үш... Алдағы Есентемір апайдың оң қолынан тас қып ұстап алған. Бір жағы соған тартылып, екінші жағы сол қолымен басқыштың ернеу ағашын сырғыта, сығымдай саумалап әр қадамын санап, зорлана ұмтылады. Мен болсам, апайдың ауырлау денесінің салмагын сөл-пәл қалай женілдетем деп, бірсес алға лақша секіріп, баспалдақты мегзегендей боламын да, енді бірде соңында қалыңқырап, қай жерінен ұстап, демерімді білмей сасқалақтап, амалсыз ернеу ағашты мытып қысқан сол қолының білегінен көтере, итермелеймін. Мұныма қолайсызданып «шырагым, өзімөзім», дейді апай әлсіздеу үнмен. Міне, қалтасынан қол орамалын алып, жіпсіген маңдайына сырғытты. «Уң, қанша қалды?» Қарасұрлау жүзінен моншақтап білінген терін алақанымен сыйдырып тастаған Есентемір дым демейді. Шарасызданып, танауының желбезегі қусырылып, көзі аларыңқырап кеткен. Апай келесі басқышқа ұмсына беріп еді, Есентемір троспен тартқандай етіп, оң қолынан тағы жебенкірей жылжыды. Бұл жолы мен әлсіреген апай аяғы тайып, шалқалай құлап кетпесін дегендей сақтақпен иығымды қырындай қалқалап, артынан ілбіп келемін. Есентемір «барсың ба, ей!» деп қояды. Жауабым – жайғана жөткіріну. «Қостанай горисполкомы қазақтарға не бірінші, не жоғарғы қабатты береді», дейді Есентемір әлдекімге шағымданғандай болып. «Апайдың сенің үйіне қонаққа шакырылғанын білмеген ғой, әйтпесе, осы қаланың құрметті азаматы ретінде лифт орната қояр едіау», деп әзілдеген болам. Бұл сөзім апайдың құлағына жақты білем, жылжымай, қалт тұрып қалды. Шынында да лифт күтіп тұрғандай жайланаپ, ағыл-тегіл терін орамалымен сорғыштады. «Апа, енді келіп қалдық!» деді үй иесі әлденеге үрейленіп.

Нәті, апасы енді аяғын тіпті баспай қояма деп, зәре-құтықашқандай еді. Апай да елгезек кісі ғой, соңғы қүшін кейінге сақтаған екен, ышқынысын білдірмесе де төргі басқышқа ентікпей, сәл сергектеу көтерілген сиқылды. Бөлесі Есентемірді аяғанынан да болар, «ал, жетіп жығылдық па, соған да тәубе», деп дым болмағандай серпіле сөйледі. Есікті айқара ашып тұрған Есентемірдің жұбайы Наушаны қапсыра құшақтап, мандаіынан бірнеше қайтара сүйді... Ойхой, Есентемір екеуміз женелейіп, қуанышымызды көз қызығымызбен шарпыса білдіріп, шаттанып бір кеттік десейші...

Апамыз шәйді құмарланып, сүйсініп ішті. Шөлін басқасын, әнгімеге де жазыла көсілді. Аракідік, маған қараты: «Тілші бала, түйсігінде жұрсін», деп алады да өткен-кеткенін, әсіреле бала кезгі, есейгендері көрген қорлығын, пұшайман халзәбірін, жан қайғысын, жүрегін кемірген тағдыр тәлкегін суыртпақтап қояды. Жазық мандаіына көлденең түскен әжім сыйықтары қасын кере сөйлегендеге алма-кезек жиырылыш-жазылып, «менде тұнған сыр жатыр» дегендей, білмекке әуестікті еселейді. Ынтызар етеді. Ақ селеудей шашы тікесінен қақ жарыла жатқызылған. Қайратты шаштан тарақ ізі де анық көрінеді. Қою қасы боялып-сүргіленбесе де кен мандаідың қос ноқатындағы сұлулығын үстемелеген. Қысқалау кірпігі мен аялы жанары шебер үйлесіммен ақылдылық нышанын анғартқандай. Ойлы да тұнық көзқарасынан өзгеше мейірімділік мейілдеп, өмірге інкәрлік тамшылап тұрғандай еді. Тұзу, тегісімен түскен мұрнының етекті танауы сәнімен оймақталып, бет-ажарының келістілігін келбеттеп тұр. Толық, топ-томпақ бүрме ерні өзгенің көңілін ынтықтыра сыйдататындағы әсем сыйбаланып, доғалша иегімен астасып, одан әрі бұғақтала түскен. Мойнына түйінсіз бос тастаған ақ шәлісі толық омырауын бүркемелей босаң көлегейлегенімен, баяғы тал-шыбық мұсіннің толықсыған шағын елестететіндегі ме. Не керек, сексенниң дәл үстіне шыққан апамыз сынын беріп, сырлын алғызыбағандай, сергек қалпымен қуантып тастады. Манағы баспалдақ мащаатынан құтылғанына өн бойы жайнап, жадыранқы күйге түсіп, балбырап барады екен. Күткенім, ақын мінезінің алқаусыз, бағынусыз, желпініс, ағынды, асаулы сәті еді. Бекер дәмеленбеппін. Мәриям апай өз-өзінен қозғалақтап, қүюлы шәйіне де қарамай, қол сөмкесіненabdырап бірдеме іздей бастады. Іліккен қағазын алып шыққанша тағатсызданып, қоңыр үнді уілімен шайқалақтанып қалады.

— Мен қазір Торғай жақтан қайтар жолда туған елеңімнің осы Есентемір бөлемнің үйінде тұсауын кесіп тастасам қалай қарайсыздар? — деді де ақ қағаздың бүктемесін жазып, қалың шынылы қөзәйнегін мұрнына қондырды. — Дауыс ырғағы тіпті өзгешеленіп кетті. — «Қасиетті қара шаңырақ Торғайым, Сағынып келіп, саянда сенің толғайын. Егізіңнің сынарымын ежелден, Сексенімді өз қойында тойлайын...».

Алғашқы шумак тарқатылды. Біз үнсізбіз. Дем беріп қоштап, ақын арқасын қоздыра түсуге дагдыланбаған басымыз сөз сиқырынан шыға алмай, мұлғи түсіппіз. Торғайымыз еске түсіп торығып, тұмшаланып қалыппыз. Апайда басқа есеп жоқ еді. Өзін-өзі қамшылап, ағындалап барады. «Ата-бабам мекендерген Торғайым, Өткенінді, ескенінді ойлаймын. Талдан қарап, тарихынды зерттесем, Елдігіне, ерлігіне тоймаймын».

Бізді өлең тыңдап отырау, осылар деп көз қырына да алмаған Мәриям апай сүйнекірап қалған шәйін бір ұрттап, оқуын әріжалғастырды: «Талай ұлың өткен кешіп өткелді, Талай ауыр күнді бастан өткерді. Ұлы-қызың бостандықтың жолында, Қындықты, құғынды да көп көрді». Осы тұсына недәуір кідіріп, жанары жасаурады ма, орамал ұшын қөзіне жүгіртті... Иә, ақын жүрегіне сыйат түскендей. Қуанып отырып қайғыра салатын жұмбак жанынгеренқұрсінісіне қабырғамыз қайысып, қамықканнан басқаға, дәрменсіз едік.

Үлкен асты апай кешеуілдетуді өтініп, диванға жайғасып отырды да үнсіздік жайланаған аз мезетте мызғып алғандай болды. Тыңайып шыға келіп, қуақылана жымидыда «қабаған кәрілік осылай жан-жағынан тартқылайды», деп маңайын күлдіртіп алды. Мұнысы, кенеулі әнгіменің беташары – жайлышық, ұзын арқау, кен тұсаулы сабатты кезеңіндегі болып, бөлмеде еркіндік ахуал орнатуға себін тигізгендей еді. Апайдың ерекше көңілділігінен жайдарман көп әнгіме дәметкендей едік, бірақ бәрі басқаша реңкпен

сұстулау өрбіді. Оған апай кінәлі емес еді, сол бір сүркия заманың зар-наласы еді, налытқан...

... Иә, қаршадай қыз Мәриям тез есейді. Оқи жүріп, өмір атты дастанның өрмегін үздіксіз тоқыды. Ақындық таланты да ерте ояныпты. Жыр жазу, оқырмандарына кітап сыйлау, «бөрі арығын білдірместің» кебімен қоғамдық іргелі жұмыстардың басы-қасында жүру, Мәскеу қаласында өткен КСРО Жазушылар одағы 1-съезіне қатысып, М.Горькийдің қолынан мүшелік билет алу секілді ұлы мұратын ұштаған қынуулы жылдар, сәтімен жалғаса берер ме еді, эттең, сүркия 1937 жылдың қынабынан қан тамшылаған қылыш суырылмағанда. Ери Серғали Бермұхамедов «халық жауы» атанып қамауға алынбаса... Қайратты ана бәріне көніп бақты. Он сегіз жыл жүргегін мұздатқан қайғы батпанын серпи жүріп таңғаларлық ақындығына бас игізді. Қазақ поэзия көгінің жарық жүлдзызындай болып қалған «Мәншүк» поэмасын туғызды. Сөйтіп, жолдасы Серғалидің нақақтан атылып кеткені заңмен анықталып, толықтай ақталған 1955 жылға дейін де белсенді өмірлік ұстанымын бәсекесітпей, небәрі 23 жасында қыршын кеткен, өзінен үш жас қана қалқыңқы, жалынды ақын Шолпан апасының тағдырлы жалғасында болып, жыр әлемінде жарқыл қақты.

Осынша қыспакты жылдардың қатулығы апайдың қабағын жібітпестей етіп құрсаулап тастаса да, бөлек бітімді бекзат жаратылыс кейінгі ұрпаққа үлгі болсын деген оймен қайғы мен қуанышты қатар өріп, әңгіме тізгінің қосақтап, жіберіп тартып отырады еken. Апайдың сондай бір алақұйын көңілі сабасына түсе бастағанын анғарып:

– Апай, осы сіз, Шолпан апаңызды көрдіңіз бе? – деп қыстырыла кеттік.

– Көре алмадым! – деді апай «эттең-айының» шеті түрліліп қалғанына оқыс қүйінгендей бол. – Бірақ қанаттасып, «Әйел теңдігі» журналына өлең шығарып тұратын едік. Біз одан көп үйрендік қой. Шіркін, ол уақыттағы сыйластықты айтсайшы. Бір өлеңі арқылы ақынмен немесе ұлт мұддесіне орай тауып айтқан бір ақылман сөзі үшін бейтаныс зиялымен сырттай туыстасып, рухтас бол кететінбіз. Қазақта ұлтқа қызмет еткен әйелдің алды болған Нәзипа Құлжанованы да солай арқа тұтқанбыз. Міржакыптың зайыбы Гайнижамалдың ақылын талай есіттік. Ал Ғұлнэр Дулатова сіңліміз қазақ қыздарының бойына алаш идеясын сініруден жалықпайтын күрескер жан еkenін әрдайым мақтан етемін, былайғыларға да уағыздап келемін. Ондай тұлғалар сирексіп қалды ғой қазір. Бірақ, шүкір. Өнеге демекші, Шолпанға қатысты білгенімді айтайын. Оның жазғандары шашырап қалар ма еді. Қозі жұмылған соң бір жыл өткесін, кейін қоғам қайраткері бол танылған Сара Есова оның өлеңдерін жиыстырып, кітап етіп шығарды. Ұлт үшін де, Шолпан Иманбаева үшін де қажет қадам еді бұл... Кезінде Шолпан апам туралы: «Қазақтың қалаулысы ақын Шолпан, Өмірден өлең болды алған қолқаң. Сайрадың бостандықтың бұлбұлы бол, Болса да қара түнек өскен ортаң», – деп жырлаганмын.

Ішкі ой шерленіп туласа, толқын сапырған ақ көбіктей бетке қалқып шығады еken. Апай жүзі күреңітіп, есіне түсken әлденені бұғалықтай алмай әлектенген сыңайлы. Нендей ой кемірді еken?.. Бізге тылсым қалды. Дегенмен, уақыттың қай жұмбакты да шешпей қоймайтынына көз жеткен. Алға жүгіртіп айтсақ... былай. М.Хакімжанованың халқы сүйіп оқитын қаншама туындылар жазғанына ел куә. Өзі 60 жасқа толғанда солардың басын құрап, үш том етпекке үміттенгентін. Дәнене өнбеді. Араға 20 жыл салып, 80-ге жеткенде белсенді бір баспагерге барып: «Шырағым, менің ғұмыр бойы жазғанымның таңдаулы дегендері З томнан аспайды, артымда тұтастау күйінде қалсын!» деп өтініпті. Құлаққа қыстырылмапты. Сөйтіп Қазақстанның халық жазушысы, «Еңбек Қызыл Ту», екімәрте «Құрмет Белгісі» ордендерінің, бірнеше медальдардың иегері, Қостанай, Арқалық, Форт-Шевченко қалаларының құрметті азаматы атанған абзал ана, қазақ поэзиясы қыз-келіншектерінің абызы қозінің тірісінде томдықтарын шығара алмай арманда кеткен еді. Апайдың өз аузымен айтылмай қалған мұн-зарының бір түйткілі осы болса керек-ті.

Әрине, әділдік жеңбей қоймайды еken. Ақынның туғанына 100 жыл толуына орай, әйтеуір, мейірім-ықылас танытушылар табылып, 2006 жылы шығармаларының 2 кітабы «Ана тілі» баспасынан, соңғысы «Жазушыдан» жарық көріп, осылайша, өзі діттеген тұтас

З томдығы өситетіндей боп оқырмандар қолына тигені көңілге медет. Мұның біріншісіне – өлеңдері, екіншісіне – өлеңдері мен поэмалары және жазбалары, үшіншісіне – естеліктері мен мақалалары енгізілген. Әттең, әттең... Үш «балапанының» басынан сипай алмай кеткені өкінішті-ақ.

Жер қозғалмаса, қозғалмайтындағы салмақты Мәриям аpanың жүргегіне нендей салмақ түскенін кейін анғарып жатқандаймыз ғой... Жыр-Анасымен соңғы рет қоштасуында талантты сінлісі Фариза Онғарсынова: «Қыздардың көшін бастаған, Орынсыз асып-таспаған, Өсек-аяң сөз айтпай, Қабағымен жасқаған, Тектілердің көзі едің, Шын асылдың өзі едің», – деп нағыз дегдарлық бағасын бере күніреніпти.

...Сонымен, ас ішіліп болып, Есентемір апайды қонақ үйге жеткізіп салудың қамына кіріскенде, ол кісі тосындау қимылмен бізге ошарыла бұрылды:

– Сендер, Ыбырай Алтынсарин бабаларыңың басына жиі барып, зиярат етіп тұрындаршы! – деді де ішінен күмілжіп тынды.

– Барып жүрміз! Апа! – деді Есентемір нық сөйлеп. – Қаланың кең алқымынан жанай ағатын Тобыл өзенінің жағасынан онша алыс емес жерде мәңгілік тыныстап жатыр ғой, жарықтық бабамыз.

– Дұрыс! Дұ-р-ыс! Кеше өзім барып, дұға оқып қайтқам. Есімде ғой бәрі, есімде, 1921 жылы ұзатылғанымда Айғаным әжем Балғожа мен Қанқожа билердің он екі құлақты тамының қасында жатқан Ыбырай атамың да темір тормен қоршалған бейтін көрсетіп, жадында жүрсін дегендей, нығырлап көздел, түсіндірген еді. Жасыратын не бар, сол есکі қорым Қостанай қаласының шеткі тұсында қалғанын ішім сезеді. Устінен банк ғимараты түсті деп естіп едім... – Мәриям апай ауыр құрсінді де сөзін жалғады. – Құдайға күнәнәр болар жайым жоқ, бірақ көнілден секемшіл сезік кетпей қояды. Қазіргі ескерткіші тұрған жерге сүйегін қазып апарып қойдым, әлде... Қойса, жаксы!.. Ұлжагы өзіммен көрге бірге кетер аңы мұным ғой, айналайындарымай!.. Ескертіп қояйын, енді бұған бола дүрлігудің өзі ерсі...

Аңы мұң!.. Апайдың жүзіне аянышпен қарадық. Ол мұсіркеуді ұнатпайтындағы кейіппен өніне жылды жымыс жүгіртіп, тұруға ыңғайлана бастап еді.

Мәриям апай тәменге біршама жеңіл, сергек түсті. Есентемір екеуміз бұл жолы алғы баспалдақтарды қосарлана аттап, жауырынымызды апайға икемдей қалқалап, қауіпсіздік шаrasын аса мұқият сақтағандай боп «келдік, апа, келдік» деумен жерге табан тіредік-ау, әйтеуір... Бағана жоғары қабатқа көтерілуіміз ғарышқа самғағандай жан терімізді шығарса, енді тәменге – құлдилап кеп жайлы қонған ғарышкерлердей боп, мәресәре күй кештік. Мәриям аpanың «Қазы- қарта мен сары қымыздың қуаты-ай!» деп, сыңғырлай құлғені жадымызды әлі күнге қоңыраулатып жіберетіні бар.

...Содан қайтіп апай Қостанай жаққа ат ізін салмады. Әйтсе де күллі қазақ оқырмандарының жүргегін жалынды жырымен арайланырған қайран апамызды аңсарлы жүректер ешқашан ұмытпайтының көріп-біліп, сезіп жүргеніміз дәтке қуат.

Кейін де апамыз жайлы талай әнгімелерге құлақ түріп жүріпіз. Сонда қазақ әйел ақындар көшін 70 жылдай бастаған мейірімді жүректің мұң-шерге бөккен лұпілін сезетіндей едік. Ешнәрсеге бейжай қарамаған ғой, жарықтық. Габит Мұсіреповтің басы 4-5 жыл төнірегінде қарайтылмағанда, қаншама жерге дабыл ұрып, қалалық биліктің шаңын қаққан да осы кісі болатын. Сол классик жазушының үй-мұражайының қалыптасуына да мұрындық болғандай екен. Осының бәрі ойлы адамға мұн емес деп көрізіші.

Қазақтың небір боздақтарымен аралас-құралас жүрген Мәриям апай көркемдігі асажоғары естеліктер жазып қалдырған. Бейімбеттен бастап құнды пікірлер айта білген шежіре-жүрек, әнгімешіл, әмбебап білімдар, көрген-білгені мол, жады мықты біртуар екен. Оның арнау өлеңдерінен тарих бедерін тануға болады. Жоқтау жырларында да ауыз әдебиетінің түпсіз қайнарының үрдістері көзге ұрып, дәстүрлік жалғастықтың иірімдері шымырлата үйреді. Ел арыстарының бақыты мен күйзелісін жүрек сүзгісінен өткізе білетін Мәриям апайдың өлеңдерінен немесе былайғы жазбаларынан азамат бағасын айқын анғарасыз. «Қайран Ілияс (І.Омаров – Қ.Ә.) қармақтай боп үйге кіргенін әйнектен

көріп, еңіреп жылап отырып, осы өлеңді жазып, пошта жәшігіне салдым». Қазақтың марқасқа ұлының Мәскеуден қын операция жасатып, қалжырап оралған беті еken. Өлең басы былай: «Келдің бе аман-есен, бауырласым, Жолыңа төктім талай көздің жасын. Ажалмен арпалысып сен жатқанда, Тіледі тілегінді ауылдасың». Бір аптадан соң Ілияс жылқы сойып, аман келгеніне тұған-туыстарын, көрші-көлемдерін, құда-жекжаттарын шакырады. Сол отырысты апай былайша суреттеп жазады: «Тамақтан кейін менің өлеңімді төс қалтасынан алып: «Апа! Өз үнінді сағындым. Мына маған арнаған сөзінді өзің оқып берші», деді. Мен қатты тебіреніп оқып бердім. Ілияс өксіп-өксіп жылап, шаршап қалды. Аздан кейін қасыма келіп, бетімнен сүйіп алғыс айтқан еді. Аяулым!»

89 жасқа қараған шағында өмірден озған Мариям апа ғұмырының соңғы 4-5 жылында екі аяқтан қалып, көзі кетіп, құлақтан кемуі тағдырының кезекті аяусыз соққыларының бір болғандай еken. Сонау ерте шағында өмірден қорлық көріп күйінгенде: «Тырсылдаған көздің жасын, Тоқтататын не амал бар. Қор боп өткен қайран басым, Қашан ғана жоғалар...» – деп тотияйын жалағандай, тілін күйдіре жазғанымен, бақытты ақын болып ел көзінде қалған еді...

...Мұнның да өшіп-семетін кезегі келе ме?! Сабағы ше?!. Ал адамдарға жасаған қамқорлықтың, ыстық тілектиң, нұрлы ақылдың, жылды жүректің, жалынды қайраттың шарпысынан шарболаттанған қуаныш-қызық ғұмырлы келеді еken!.. Мәриям апайдың шылжырылған мұнцынан гөрі, елең сыйлаған асыл мұратты, мейзам шуақты, өшпес маздағы басым болғандығы да содан шығар...

Қайсар ӘЛІМ